

dicem, ab E^{mo} D^{ño} Cardinali Urbis Vicario delegatum, super partitione Decreto-
torum Sa. M. Urbani Pape VIII., sive super Cultu, eidem Servo Dei non
exhibito, sit confirmanda in casu &c. Et prodiit rescriptum: Affirmative;
comprobatum deinde ab eodem BENEDICTO XIII., die XXIII. Martii ejusdem Anni MDCCXXVI.

Præterea, deprecantibus Causæ Postulatoribus, S. R. Congregatio, die
XXV. Maii MDCCXXVI., accedente Oraculo Pontificio die XIX. Junii
ejusdem anni, commisit Eminentissimo, & Reverendissimo Domino Car-
dinali Urbis Vicario constructionem Processus Apostolici super Fama San-
ctitatis Vita, Virtutum, & Miraculorum in genere ejusdem V. S. D., præ-
scripto termino unius anni ad illum absolvendum.

Et, ne longius protraheretur confectio ejusdem Processus Apostolici, idem lau-
datus BENEDICTUS XIII., ad humilissimas Postulatorum preces, benignè
concessit die XII. Februarii MDCCXXVII., ut quoties contingeret, quod
R. P. D. Feronius, Sacræ Rituum Congregationis Prothonotarius Apo-
stolicus, vel ab Urbe abesset, vel alio impedimento detineretur; toties
absentis vicem impleret R. P. D. Ceva, Prothonotarius quoque Apo-
stolicus.

Postquam verò Inquisitio hæc Apostolica fuit coepta, quum statutus anni termi-
nus effluxisset, eadem S. R. Congregatio, ex Decreto edito die XII. Ju-
nii anni MDCCXXVII., & adprobato a S. M. BENEDICTO XIII. die
XXIII. ejusdem Mensis & Anni, novum terminum alterius anni præscripte
ad illius absolutionem.

Confecto Processus Apostolico, & ejus aperitione juridicè facta ex Decreto
diei XXIV. Januarii MDCCXXVIII., adprobato a Sanctissimo die XXVIII.
ejusdem mensis & anni; Postulatores ab S. R. Congregatione, accedente
Pontificia Auctoritate, obtinuerunt, ut Dubium Validitatis, & Relevan-
tiae illius discuteretur in Congregatione Sacrorum Rituum Ordinaria,
absque interventu Consultorum, ex Decreto diei X. & XIV. Aprilis An-
ni MDCCXXVIII.

Interim viam universæ carnis ingresso Eminentissimo, ac Reverendissimo Car-
dinali Scotto, idem BENEDICTUS XIII. in Causæ Ponentem, sive Rela-
torem substituit Eminentissimum & Reverendissimum Dominum Cardina-
lem Fini, die XIV. Aprilis MDCCXXVIII.

Hac autem Ordinaria Sacr. Rit. Congregatione habita, die XXVII. Novem-
bris MDCCXXVIII., & proposito in ea Dubio: *An constat de Validitate*
& Relevantiæ Processus auctoritate Apostolica in Urbe constructi super Fama
Sanctitatis Virtutum, & Miraculorum in genere dicti Servi Dei; rescri-
ptum fuit: Affirmative; de quo Decreto facta Sanctitati Suæ relatione,
BENEDICTUS Pontifex XIII. benignè annuit, die XXII. Decembris ejus-
dem Anni MDCCXXVIII.

Post hæc diligentes, & solliciti Postulatores curarunt, ut quam citius confla-
rentur Processus Apostolici tum in Urbe, tum in Consentina Provincia,
super Virtutibus in specie Ven. Famuli Dei. Ad quorum petitiones, Sac-
Rit. Congregatio ex Decreto diei XXVII. Novembris Anni MDCCXXVIII.,
cui Pontificium accessit Oraculum die XXII. subsequentis Mensis Decembris
ejusdem Anni, commisit Eminentissimo & Reverendissimo Domino Car-
dinali Urbis Vicario constructionem Processus Apostolici hic in Urbe super Virtu-
tibus in specie præfati Servi Dei; Statuto ad ejus absolutionem bienni
termino.

Deinde die XIV. Januarii Anno MDCCXXX. S. R. Congregatio, accedente
Pontificio Rescripto BENEDICTI XIII. die XXIII. ejusdem Mensis & Anni,
con-